



ORKUSTOFNUN

Skráning greinargerða

Páll Ingólfsson, Guðrún Gísladóttir, Guðmundur Pálason,
Guttermur Sigbjarnarson, Haukur Tómasson

Greinargerð PI-GGÍ-GP-GS-HT-80/01

Skráning greinargerða

Á stofnuninni verða til margs konar skrifleg gögn, sem ekki eru gefin út í skýrsluformi eða varðveitt í bréfasafni sem bréf. Hér getur verið um að ræða ýmis konar greinargerðir um niðurstöður mælinga, tillögur Orkustofnunar í einhverju máli, fundargerðir, verkáætlunar o.s.frv. Í mörgum tilvikum eru þetta upplýsingar, sem notaðar eru til ákvarðanatöku í bæði stórum og smáum verkefnum og varða stofnunina bæði út á við og inn á við. Þessum göngum má gefa samheitið greinargerð.

Fram til þessa hafa slik gögn verið geymd í frumriti eða ljósriti hjá viðkomandi höfund eða höfundum. Til þess að tryggja það að nauðsynlegt upplýsingastreymi geti átt sér stað í starfsemi stofnunarinnar er óhjákvæmilegt að þessar greinargerðir verði skráðar og varðveittar á ákveðnum stað.

Á fundi starfshóps um skýrsluútgáfu fyrir nokkru var mælt með að eftirfarandi skráningarform og geymsla verði tekin upp:

Hver starfsmaður hefur eigin númeraröð fyrir hvert ár fyrir sig og gefur sínum greinargerðum númer sjálfur í þeirri röð er hann vinnur þær. Dæmi: Greinargerð
VS-80/01

Þegar um fleiri en einn höfund er að ræða koma upphafsstafir þeirra allra í skráningunni en númer miðast við fyrsta höfund (aðalhöfund-verkefnisstjóra), dæmi: DE-JH-HG-79/99. Skráningarnúmerið skal standa efst til hægri á fremstu síðu viðkomandi greinargerðar, sbr. þetta blað. Undir nafni stofnunarinnar efst til vinstri kemur nafn undirdeildar, sem miðast við fyrsta höfund, og síðan dagsetning. Heiti greinargerðar kemur efst í texta. Ef tveir eða fleiri starfsmenn hafa sömu upphafsstaði í nöfnum sínum ber þeim að koma sér saman um aðgreiningu í höfundaskráningu.

1980-01-10

Eintak af öllum greinargerðum skal sent Bókasafni til varðveislu.
Þar verður þeim raðað eftir deildum og höfundum. Þegar um fleiri
en einn höfund er að ræða skal fyrsti höfundur sjá um að eintaki
sé skilað inn til Bókasafns.

(

(